

春秋左氏古經

春秋左氏古經題辭

王裁九歲時先子命讀胡氏安國春秋經傳其時功令所用也十一歲乃讀左氏專讀傳而已既長乃知胡氏之經雜取左公羊穀梁三家之經爲書不衷於一蓋三家各自爲經漢志言古經十二篇者左氏之經也又言經十一卷自注云公羊穀梁二家者謂二家之經皆十一卷與古經不同也自轉寫合二條爲一行而罕知其解矣古經因十二公爲十二篇公羊穀梁合閔公於莊公同卷則爲十一卷說見何氏公羊解詁古曰篇今日卷竹木曰篇縑素

曰卷三家經卷數不同而皆經傳各爲書杜氏預乃取左  
經分年冠於某年傳首二家則漢以後學者析經文冠某  
事之首而無傳者依次附焉於是三家之專經均不可得  
見宋時有春秋正經十二卷眉山李燾仁甫又令潼川謝  
疇元錫成春秋古經十二篇今皆亡矣王裁寄居姑蘇多  
暇庚午年已七十有六深痛先子鄭重授春秋左傳而未  
能盡心此經又憫今之學者但知稍稍讀左傳於經文少  
有能成誦者也乃恭錄左氏經文取鄭公注禮周禮存古  
文今文故書之例附見公羊穀梁經文之異以小字雙行

注各條下爲十二篇又以二家卷數之不同附注左氏各篇之末每條時出訂正之語而不敢蔓衍其辭仍依漢志署曰春秋左氏古經俾家塾子孫讀經以尋傳讀傳以釋經綱舉而目張矣其諸學者同有樂於此乎史記曰春秋文成數萬張晏云萬八千字李氏仁甫云細數之尙減一千四百二十八字與王氏學林云萬六千五百餘字者合馬氏端臨疑三家或妄有增益者非也嘉慶辛未八月朔日段玉裁敬題

春秋左氏古經一

隱公

元年

春王正月

傳作王周正月以周釋王也

三月公及邾儀父盟于蔑

邾公羊作邾婁小邾公羊作小邾婁全經皆如此後不更注蔑

公羊穀梁皆作昧昧从目末聲莫結切非从末之昧昧

夏五月鄭伯克段于鄢

秋七月天王使宰咺來歸惠公仲子之賵

九月及宋人盟于宿

冬十有二月祭伯來

公子益師卒

二年

春公會戎于潛

夏五月莒人入向

無駭帥師入極

駭穀梁作核

秋八月庚辰公及戎盟于唐

九月紀裂繻來逆女

裂繻公穀皆作履綸

冬十月伯姬歸于紀

紀子帛莒子盟于密

子帛公穀作子伯

十有二月乙卯夫人子氏薨

鄭人伐衛

三年

春王二月己巳日有食之

三月庚戌天王崩

平王也桓王立

夏四月辛卯君氏卒

君公穀皆作尹

秋武氏子來求購

八月庚辰宋公和卒

冬十有二月齊侯鄭伯盟于石門

癸未葬宋穆公

穆公穀皆作繆

四年

春王二月莒人伐杞取牟婁

戊申衛州吁弑其君完

州穀梁作祝

夏公及宋公遇于清

宋公陳侯蔡人衛人伐鄭

秋翬帥師會宋公陳侯蔡人衛人伐鄭

九月衛人殺州吁于濮

州穀梁作祝



冬十有二月衛人立晉

五年

春公矢魚于棠

矢公穀皆作覲按左氏以陳魚釋矢魚則言矢而覲在其中矣魚同漁左以漁者釋

魚正義引說文  
漁捕魚也可證

夏四月葬衛桓公

秋衛師入郕

鄭公羊作盛

九月考仲子之宮初獻六羽

邾人鄭人伐宋

螟

冬十有二月辛巳公子驅卒

宋人伐鄭圍長葛

六年

春鄭人來渝平

渝公穀  
皆作輸

夏五月辛酉公會齊侯盟于艾

秋七月

冬宋人取長葛

七年

春王三月叔姬歸于紀

滕侯卒

夏城中丘

齊侯使其弟年來聘

秋公伐邾

冬天王使凡伯來聘戎伐凡伯于楚丘以歸

八年

春宋公衛侯遇于垂

三月鄭伯使宛來歸祓庚寅我入祓

祓公穀皆作邴

夏六月己亥蔡侯考父卒

辛亥宿男卒

秋七月庚午宋公齊侯衛侯盟于瓦屋

八月葬蔡宣公

九月辛卯公及莒人盟于浮來

浮公穀皆作包

螟

冬十有二月無駭卒

駭穀梁作倅

九年

春天王使南季來聘

三月癸酉大雨震電

左氏經如此傳作癸酉大雨霖以震以霖釋大雨以震駭電也

庚辰大雨雪

挾率

挾公穀  
皆作俠

夏城郎

秋七月

冬公會齊侯于防

防公羊  
作邠

十年

春王二月公會齊侯鄭伯于中丘

夏翬帥師會齊人鄭人伐宋

六月壬戌公敗宋師于菅

辛未取郛

辛巳取防

秋宋人衛人入鄭

宋人蔡人衛人伐載鄭伯伐取之

几載作戴者誤

冬十月壬午齊人鄭人入郕

鄭公羊作盛

十有一年

春滕侯薛侯來朝

夏公會鄭伯于時來

時來公羊作祁黎左經作時來傳作邾

秋七月壬午公及齊侯鄭伯入許

冬十有一月壬辰公薨

春秋古經一篇終 公羊經一卷終 穀梁經一卷終

春秋古經謂左氏經也見漢志左曰篇公羊穀梁曰卷

春秋左氏古經二

桓公

元年

春王正月公卽位

周禮注鄭司農曰古文春秋經公卽位爲公卽立古者立位同字

三月公會鄭伯于垂鄭伯以璧假許田

夏四月丁未公及鄭伯盟于越

秋大水

冬十月

二年



春王正月戊申宋督弑其君與夷及其大夫孔父

滕子來朝

三月公會齊侯陳侯鄭伯于稷以成宋亂

夏四月取郕大鼎于宋戊申納于大廟

秋七月杞侯來朝

杞公穀皆作紀公羊注天子將娶於紀知其經必是紀

蔡侯鄭伯會于鄧

九月入杞

公及戎盟于唐

冬公至自唐

三年

春正月公會齊侯于羸

夏齊侯衛侯胥命于蒲

六月公會杞侯于郕

杞公作紀  
郕公作盛

秋七月壬辰朔日有食之既

壬辰穀梁俗  
本作壬申

公子翬如齊逆女

九月齊侯送姜氏于謹

公會齊侯于謹

夫人姜氏至自齊

冬齊侯使其弟年來聘

有年

四年

春正月公狩于郎

夏天王使宰渠伯糾來聘

是年闕  
秋冬

五年

春正月甲戌己丑陳侯鮑卒

夏齊侯鄭伯如紀

天王使仍叔之子來聘

仍穀梁  
作任

葬陳桓公

城祝上

秋蔡人衛人陳人伐鄭

大雩

冬

公羊作螺  
亦作罌

冬州公如曹

六年

春正月實來

夏四月公會紀侯于成

按左傳曰夏會于成紀來諮謀齊  
難也冬紀侯來朝請王命以求成

千齊然則左之作紀明矣公穀皆作紀  
穀梁音義云左作杞誤也成穀梁作鄆

秋八月壬午大閱

蔡人殺陳佗

九月丁卯子同生

冬紀侯來朝

七年

春二月己亥焚咸丘

夏穀伯綏來朝

鄧侯吾離來朝

是年閏  
秋冬

八年

春正月己卯烝

天王使冢父來聘

夏五月丁丑烝

秋伐邾

冬十月雨雪

祭公來遂逆王后于紀

九年

春紀季姜歸于京師

夏四月

秋七月

冬曹伯使其世子射姑來朝

十年

春王正月庚申曹伯終生卒

夏五月葬曹桓公

秋公會衛侯于桃丘弗遇

冬十有二月丙午齊侯衛侯鄭伯來句戰于郎

十有一年

春正月齊人衛人鄭人盟于惡曹

夏五月癸未鄭伯寤生卒

秋七月葬鄭莊公

九月宋人執鄭祭仲

突歸于鄭

鄭忽出奔衛

柔會宋公陳侯蔡叔盟于折

公會宋公于夫鍾

鍾公羊作童康氏  
本穀梁亦作童

冬十有二月公會宋公于闕



十有二年

春正月

夏六月壬寅公會紀侯莒子盟于曲池

曲池公羊作陂蛇

秋七月丁亥公會宋公燕人盟于穀丘

八月壬辰陳侯躍卒

公會宋公于虛

虛公羊作郟

冬十有一月公會宋公于龜

丙戌公會鄭伯盟于武父

丙戌衛侯晉卒

十有二月及鄭師伐宋丁未戰于宋

十有三年

春二月公會紀侯鄭伯己巳及齊侯宋公衛侯燕人戰齊師宋師衛師燕師敗績

三月葬衛宣公

夏大水

秋七月

冬十月

十有四年

春正月公會鄭伯于曹

無冰

夏五

下有闕按此蓋依舊史闕文未審所闕幾字不必但闕月字也

鄭伯使其弟語來盟

語穀梁作御

秋八月壬申御廩災

乙亥嘗

冬十有二月丁巳齊侯祿父卒

宋人以齊人蔡人衛人陳人伐鄭

公羊作衛人蔡人

十有五年

春二月天王使家父來求車

三月乙未天王崩

桓王也  
莊王立

夏四月己巳葬齊僖公

五月鄭伯突出奔蔡

鄭世子忽復歸于鄭

許叔入于許

公會齊侯于艾

艾穀梁作蒿  
公羊作郕

邾人牟人葛人來朝

秋九月鄭伯突入于櫟

冬十有一月公會宋公衛侯陳侯于袤伐鄭

公羊宋公上有齊侯袤作

侈按說文解字引春秋傳公會齊侯于移

十有六年

春正月公會宋公蔡侯衛侯于曹

夏四月公會宋公衛侯陳侯蔡侯伐鄭

秋七月公至自伐鄭

冬城向

十有一月衛侯朔出奔齊

十有七年

春正月丙辰公會齊侯紀侯盟于黃

二月丙午公會邾儀父盟于雒

會公穀皆作及左氏傳亦作及

五月丙午及齊師戰于奚

唐石經宋淳化本五月上皆無夏字中庸正義曰桓十七年直

云五月不云夏然則無者自古爾矣公羊石經及各本亦無穀梁石經雖有蓋誤也按賈服之義若登臺而不視朔則書時不書月若視朔而不登臺則書月不書時若雖無事視朔登臺則空書時月漢人義例如此今之學者其可鹵莽而忽諸

六月丁丑蔡侯封人卒

秋八月蔡季自陳歸于蔡

癸巳葬蔡桓侯

及宋人衛人伐邾

冬十月朔日有食之

十有八年

春王正月公會齊侯于濼

公夫人姜氏遂如齊

各本公下有與字公穀皆無公羊傳云公何以不言及夫人夫人外也注

云據公及夫人會齊侯于陽穀穀梁傳云濼之會不言及夫人何也以夫人之伉也按左有與字疑俗增之春秋書及書暨未有書與者倍十一年公及夫人姜氏會齊侯于陽穀夫人偕行書例也左傳記其始謀曰將與姜氏如齊記其實事曰公會齊侯于濼遂及文姜如齊蓋左公書之必云及聖人惡姜之外公驕伉而不受公及也公之瀆慢而不能及夫人也故筆之曰公夫人姜氏遂如齊不言及何邵公云明遂在夫人也

夏四月丙子公薨于齊

丁酉公之喪至自齊

秋七月

冬十有二月己丑葬我君桓公

春秋古經二篇終 公羊經二卷終 穀梁經二卷終



春秋左氏古經三

莊公

元年

春王正月

三月夫人孫于齊

三經皆作孫皆本亦作遜者俗也或將左傳音義孫遜互易者謬

夏單伯送王姬

送公穀作逆

秋築王姬之館于外

冬十月乙亥陳侯林卒

王使榮叔來錫桓公命

王姬歸于齊

齊師遷紀邾鄆鄆

二年

春王二月葬陳莊公

夏公子慶父帥師伐於餘丘

秋七月齊王姬卒

冬十有二月夫人姜氏會齊侯于禚

禚公羊作郛按玉篇作嵇

乙酉宋公馮卒

三年

春王正月溺會齊師伐衛

夏四月葬宋莊公

五月葬桓王

秋紀季以鄫入于齊

冬公次于滑

滑公穀皆作郎

四年

春王二月夫人姜氏享齊侯于祝丘

享公穀皆作饗

三月紀伯姬卒

夏齊侯鄭伯遇于垂

春秋左氏中經

莊公

紀侯大去其國

六月乙丑齊侯葬紀伯姬

秋七月

冬公及齊人狩于禚

禚公穀皆作郛

五年

春王正月

夏夫人姜氏如齊師

秋邠牟來來朝

邠公羊作倪牟公穀皆作黎按公羊蓋作見五兮反十五年可證

冬公會齊人宋人陳人蔡人伐衛

六年

春王正月壬子突救衛

夏六月衛侯朔入于衛

秋公至自伐衛

螟

冬齊人來歸衛俘

俘左傳作寶公穀二經二傳皆作寶杜預疑此經誤正義疑古文保作保卽寶

字而誤按古者用兵所獲人民器械皆曰俘此所歸者寶器也故左傳以寶釋經之俘左經是也詳武氏億說

七年

春夫人姜氏會齊侯于防

夏四月辛卯夜恒星不見夜中星隕如雨

上夜穀梁作昔公羊一本無隕

公羊作賁

秋大水

無麥苗

冬夫人姜氏會齊侯于穀

八年

春王正月師次于郎以俟陳人蔡人

甲午治兵

治公羊作祠

夏師及齊師圍郕郕降于齊師

郕公羊經作成公羊傳曰成者盛也

秋師還

冬十有一月癸未齊無知弑其君諸兒

九年

春齊人殺無知

公及齊大夫盟于莒

夏公伐齊納子糾

子公穀皆無唐定本左經有按傳鮑叔帥師來言曰子糾親也請君討之是其

人名子

糾矣

齊小白入于齊

秋七月丁酉葬齊襄公

八月庚申及齊師戰于乾時我師敗績

九月齊人取子糾殺之

冬浚洙

十年

春王正月公敗齊師于長勺

二月公侵宋

三月宋人遷宿

夏六月齊師宋師次于郎公敗宋師于乘丘

秋九月荆敗蔡師于莘以蔡侯獻舞歸



冬十月齊師滅譚譚子奔莒

十有一年

春王正月

夏五月戊寅公敗宋師于鄆

秋宋大水

冬王姬歸于齊

十有二年

春王三月紀叔姬歸于鄆

夏四月

秋八月甲午宋萬弑其君捷及其大夫仇牧捷公羊作接

冬十月宋萬出奔陳

十有三年

春齊侯宋人陳人蔡人邾人會于北杏齊侯穀梁作齊人

夏六月齊人滅遂

秋七月

冬公會齊侯盟于柯

十有四年

春齊人陳人曹人伐宋

夏單伯會伐宋

秋七月荆入蔡

冬單伯會齊侯宋公衛侯鄭伯于鄆

鄆公羊一作甄

十有五年

春齊侯宋公陳侯衛侯鄭伯會于鄆

夏夫人姜氏如齊

秋宋人齊人邾人伐郕

郕公羊作兒

鄭人侵宋

冬十月

十有六年

春王正月

夏宋人齊人衛人伐鄭

秋荆伐鄭

冬十有二月會齊侯宋公陳侯衛侯鄭伯許男滑伯滕子

同盟于幽

滑伯之上公穀皆有曹伯二字此等陸氏釋文所不著者侯考又公羊經俗刻會上衍公字考

下文十九年徐彥疏云十六年冬會齊侯宋公以下同盟于幽經不言公會故知魯侯不至唐石經公羊亦不衍

邾子克卒

十有七年

春齊人執鄭詹

詹公羊作瞻下同

夏齊人殲于遂

殲公羊作戕

秋鄭詹自齊逃來

冬多麋

十有八年

春王三月日有食之

夏公追戎于濟西

秋有蜚

冬十月

十有九年

春王正月

夏四月

秋公子結媵陳人之婦于鄆遂及齊侯宋公盟

夫人姜氏如莒

冬齊人宋人陳人伐我西鄙

二十年

春王二月夫人姜氏如莒

夏齊大災

秋七月

冬齊人伐我

二十有一年

春王正月

夏五月辛酉鄭伯突卒

秋七月戊戌夫人姜氏薨

冬十有二月葬鄭厲公

二十有二年

春王正月肆大眚

肆公羊一作佚  
眚公羊作省

癸丑葬我小君文姜

陳人殺其公子御寇

公子傳作大子然則左經當本作世子史記亦云大子御公穀作禦

夏五月

秋七月丙申及齊高傒盟于防

冬公如齊納幣

二十有三年

春公至自齊

祭叔來聘

夏公如齊觀社



公至自齊

荊人來聘

公及齊侯遇于穀

蕭叔朝公

秋丹桓宮楹

冬十有一月曹伯射姑卒

十有二月甲寅公會齊侯盟于扈

二十有四年

春王三月刻桓宮桷

葬曹莊公

夏公如齊逆女

秋公至自齊

八月丁丑夫人姜氏入

戊寅大夫宗婦覲用幣

大水

冬戎侵曹

曹羈出奔陳

赤歸于曹

郭公

公穀皆云失地之君郭公名赤然則經是倒句

二十有五年

春陳侯使女叔來聘

夏五月癸丑衛侯朔卒

六月辛未朔日有食之鼓用牲于社

伯姬歸于杞

秋大水鼓用牲于社于門

冬公子友如陳

二十有六年

春秋左傳卷之二十一  
三  
春公伐戎

夏公至自伐戎

曹殺其大夫

秋公會宋人齊人伐徐

冬十有二月癸亥朔日有食之

二十有七年

春公會杞伯姬于洮

洮穀梁本  
或作桃

夏六月公會齊侯宋公陳侯鄭伯同盟于幽

秋公子友如陳葬原仲

冬杞伯姬來

莒慶來逆叔姬

杞伯來朝

公會齊侯于城濮

二十有八年

春王三月甲寅齊人伐衛衛人及齊人戰衛人敗績

夏四月滕子瑣卒

秋荊伐鄭公會齊人宋人救鄭

冬築郿

郿公穀皆作微音義皆云左氏作麋矣而今本左皆作郿水經注濟水篇曰春秋莊公廿八年經書

冬築郿公羊傳謂之微古麋  
眉相假然則古作築眉與

大無麥禾

臧孫辰告糴于齊

二十有九年

春新延廡

夏鄭人侵許

秋有蜚

冬十有二月紀叔姬卒

城諸及防

三十年

春正月

夏次于成

左無師字公穀皆有凡次必言師莊二年公次于滑亦師也此經左無傳杜云將卑師少故直

言次愚按恐是左經奪字

秋七月齊人降鄆

八月癸亥葬紀叔姬

九月庚午朔日有食之鼓用牲于社

冬公及齊侯遇于魯濟

齊人伐山戎

春秋左氏古經

莊公

三十有一年

春築臺于郎

夏四月薛伯卒

築臺于薛

六月齊侯來獻戎捷

秋築臺于秦

冬不雨

三十有二年

春城小穀

徐彥公羊疏云二傳作小字與左氏異王裁按此疏作字蓋誤蓋是二傳有小字與左氏異也



蓋本左經城穀無小字杜云穀  
小穀一地二名在濟北穀城縣

夏宋公齊侯遇于梁丘

秋七月癸巳公子牙卒

八月癸亥公薨于路寢

冬十月己未子般卒

公子慶父如齊

狄伐邢

春秋古經三篇終

春秋左氏古經四

閔公

元年

春王正月

齊人救邢

夏六月辛酉葬我君莊公

秋八月公及齊侯盟于落姑

落公穀皆作洛穀本或作路

季子來歸

冬齊仲孫來

二年

春王正月齊人遷陽

夏五月乙酉吉禘于莊公

秋八月辛丑公薨

九月夫人姜氏孫于邾

公子慶父出奔莒

冬齊高子來盟

十有二月狄入衛

鄭棄其師

春秋古經四篇終 公羊經三卷終 穀梁經三卷終

按漢藝文志曰春秋古經十二篇謂左氏春秋經也又曰經十一卷謂公羊穀梁春秋經也曰左氏傳三十卷公羊傳十一卷穀梁傳十一卷謂左氏傳卷數不與經篇數同公羊穀梁傳則皆與經卷數同也二家經十一卷者何邵公發其例云繫閔公篇于莊公下是也公穀傳本皆十一卷公羊唐石經及鄂州本僖公第五之下注之曰卷四文公第六之下注之曰卷五以至于哀公第十二注曰卷十一存何氏之舊也穀梁則晉人所注古法泯沒矣